

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



জেমস് বি. স্টাইনবার্গ

পররাষ্ট্র উপ-সচিব

নিয়োগকাল: ০১/২৮/২০০৯ থেকে বর্তমান

পররাষ্ট্র উপ-সচিব জেমস্ বি. স্টাইনবার্গ পররাষ্ট্র সচিব ক্লিন্টনের প্রধান উপ-সচিব হিসেবে নিয়োজিত।

প্রেসিডেন্ট ওবামা নিয়োগ তাকে নিয়োগ করেন ও ২৮শে জানুয়ারি, ২০০৯ এ সিনেট তার নিয়োগ অনুমোদন করে এবং তার পরের দিন পররাষ্ট্র সচিবের সঙ্গে তিনি শপথ গ্রহণ করেন। ওবামা প্রশাসনে নিয়োগের আগে, স্টাইনবার্গ ১ই জানুয়ারি ২০০৬ এ লিভন বি. জনসন স্কুল অব পাবলিক অ্যাফেয়ার্সের ডিনের পদ যোগদান করেন। বর্তমানে তিনি লিভন বি. জনসন থেকে ছুটিরত রয়েছেন। এর আগে তিনি ওয়াশিংটন ডি.সির ক্রুকলিন ইনসিটিউশনে পররাষ্ট্র নীতি অনুষদের ভাইস প্রেসিডেন্ট ও পরিচালক পদে (২০০১-২০০৫) নিয়োজিত ছিলেন। এখানে কর্মরত অবস্থায় তিনি যুক্তরাষ্ট্র পররাষ্ট্র নীতির ওপর একটি ব্যাপক গবেষণার তত্ত্বাবধান করেন।

ডিসেম্বর ১৯৯৬ থেকে আগস্ট ২০০০ পর্যন্ত স্টাইনবার্গ প্রেসিডেন্ট বিল ক্লিন্টনের জাতীয় নিরাপত্তা বিষয়ক উপ-উপদেষ্টা হিসেবে কাজ করেন। ঐ সময় তিনি ১৯৯৮ ও ১৯৯৯ সালে অনুষ্ঠিত জি-৮ সম্মেলনে প্রেসিডেন্টের ব্যক্তিগত প্রতিনিধি (শেরপা) হিসেবে কাজ করেন। জাতীয় নিরাপত্তা বিষয়ক উপ-উপদেষ্টা হিসেবে নিয়োগপ্রাপ্ত হবার আগে তিনি যুক্তরাষ্ট্র পররাষ্ট্র দপ্তরের চিফ অব স্টাফ (১৯৯৪-১৯৯৬) ও পররাষ্ট্র দপ্তরের নীতি ও পরিকল্পনা স্টাফের পরিচালক হিসেবে কাজ করেন এবং বুরো অব ইন্টেলিজেন্স এন্ড রিসার্চে তিনি বিশ্লেষণ বিষয়ক উপ-সহকারি সচিব (১৯৯৩-১৯৯৪) হিসেবে নিয়োজিত ছিলেন।

স্টাইনবার্গ ক্যালিফোর্নিয়ার সান্টা মনিকাতে আরএএনডি-তে উর্ধ্বতন বিশ্লেষক (১৯৮৯-১৯৯৩) হিসেবে ও লন্ডনের ইন্টারন্যাশনাল ইনসিটিউট ফর স্ট্র্যাটেজিক স্টাডিজে যুক্তরাষ্ট্রের কৌশলগত নীতি বিষয়ক উর্ধ্বতন সদস্য (১৯৮৫-১৯৮৭) হিসেবেও নিয়োজিত ছিলেন। তিনি সিনেট আর্মড সার্ভিসেস কমিটিতে সিনেটর এডওয়ার্ড কেনেডির প্রধান সহকারি (১৯৮৩-১৯৮৫) হিসেবে, যুক্তরাষ্ট্র সিনেট শ্রম ও মানবসম্পদ কমিটির সংখ্যালঘু সম্প্রদায় বিষয় উপদেষ্টা হিসেবে (১৯৮১-১৯৮৩), যুক্তরাষ্ট্র সহকারি অ্যাটর্নি জেনারেল (সিভিল ডিভিশন) -এর বিশেষ সহকারি (১৯৭৯-১৯৮০), ডি.সি সার্কিটের যুক্তরাষ্ট্র আপিল কোর্টের বিচারপতি ডেভিড এল. বেজলনের ল' ক্লার্ক (১৯৭৮-১৯৭৯) হিসেবে ও যুক্তরাষ্ট্র

স্বাস্থ্য, শিক্ষা ও কল্যাণ বিভাগের পরিকল্পনা ও মূল্যায়ন বিষয়ক সহকারি সচিবের বিশেষ সহকারি (১৯৭৭) হিসেবে কাজ করেন।

স্টাইনবার্গ পররাষ্ট্র নীতি ও জাতীয় নিরাপত্তা বিষয়ের ওপর অনেক বই রচনা করেছেন এবং ডিফিকাল্ট ট্রান্সিশন্স: ফরেন পলিসি ট্রাবলস্ এ্যাট দি আউটসেট অব প্রেসিডেপিয়াল পাওয়ার, প্রটেক্টিং দি হোমল্যান্ড ২০০৬/২০০৭ ও এর এভার ক্লোজার ইউনিয়ন: ইউরোপিয়ান ইন্টেগ্রেশন এন্ড ইটস্ ইমপ্লিকেশনস্ ফর দি ফিউচার অব ইউ.এস.-ইউরোপিয়ান রিলেশন্স সহ পররাষ্ট্র নীতি ও জাতীয় নিরাপত্তা বিষয়ের ওপর রচিত অনেক বই ও প্রবন্ধে প্রদায়কের ভূমিকা পালন করেছেন।

স্টাইনবার্গ ১৯৭৩ সালে হার্ভার্ড থেকে বি.এ. ও ইয়েল ল' স্কুল থেকে ১৯৭৮ সালে জে.ডি পাশ করেন।
স্টাইনবার্গ ১৯৫৩ সালে বস্টনের ম্যাসাশুসেটসে জন্মগ্রহণ করেন। প্রেসিডেন্টের নির্বাহী দপ্তরের মধ্যে বিজ্ঞান ও প্রযুক্তি দপ্তরের পরিবেশ বিষয়ক সহযোগি পরিচালক শেরবার্ন বি. অ্যাবট তার বিবাহিতা স্ত্রী। তাদের দুটি সন্তান রয়েছে।

=====